

王志民會胡懷邦 倡國開行助港青灣區創業

香港文匯報訊（記者 子京）據中聯網站載，1月13日中午，中聯辦主任王志民，在中聯辦內會見了國家開發銀行董事長胡懷邦一行。雙方就中資企業在港發展、支持香港參與國家「一帶一路」戰略和粵港澳大灣區建設及創立「粵港澳大灣區青年創業投資基金」等進行了交流。

王志民充分肯定國開行在港機構的經營發展，希望國開行積極配合

和支持特區政府依法施政，積極拓展香港業務，利用香港的優勢推動企業發展，不斷為香港繁榮穩定作出新貢獻。

他特別提出，習近平總書記在「七一」視察香港期間強調「要帶頭關心青年，幫助他們解決實際問題，為他們成長、成才創造良好條件」，希望國開行發揮國家開發性金融機構優勢，配合特區政府並會同駐港中資企業、青年團體等，共

同創立「粵港澳大灣區青年創業投資基金」，推動形成「粵港澳大灣區共同家園」青年聯合行動，幫助香港青年融入國家發展大局。

胡懷邦對上述建議高度讚賞並積極回應。

他表示，作為國家開發性金融機構，將在支持香港參與「一帶一路」和粵港澳大灣區建設、促進香港青年成長成才、維護香港繁榮發展方面，進一步發揮積極作用。



■王志民主任會見國家開發銀行董事長胡懷邦。中聯辦圖片

香港文匯報訊（記者 鄭治祖）建制派反拉布之戰再勝一仗。立法會財務委員會昨日舉行特別會議，審議修訂會議程序的機制。反對派議員在會內以刊憲問題為由，試圖拖延會議的進度不果，最終集體離場抗議。財會最終在全數贊成下，通過提出修改會議程序機制的議案，包括修訂會議程序的議案只需在會議12天前提出預告，及不得就議案的修正案提出修正案。

就修改財委會、人事編制及工務小組3個委員會會議程序，立法會財務委員會昨晨再舉行特別會議，繼續討論由「自決派」議員朱凱迪上周提出的中止待續議案。會議甫開始，反對派議員便不斷提出是否應就修訂刊憲的問題，阻礙進入正常討論。

法例無規定需刊憲

反對派早前就已就相關問題去信立法會財務委員會主席陳健波，並獲立法會秘書處及陳健波回覆指，刊憲規定不適用。惟公民黨議員楊岳橋、法律界議員郭榮鏗等昨日未有理會，更聲言修改有法律效力的程序有需要刊憲，若未釐清相關問題不應「草率行

事」，繼續拖延會議時間。

陳健波多番解釋，指出財會過往多次修改程序均沒有刊憲，強調立法會程序有規有矩。惟一眾反對派仍未有罷休，繼續就此爭相發言。工聯會議員黃國健看不過眼，提醒主席應嚴肅限制議員發言時間及次數。

擾攘刊憲唯一句鐘

為釋除各議員的疑慮，陳健波遂邀請法律顧問到會內解釋。法律顧問表示，香港法例並沒有規定財會程序需要刊憲，但是否刊憲則可由財會自行決定。他又舉例指，立法會根據權力及特權條例發出的證人傳票亦有法律效力，同樣毋須刊憲。

一眾反對派隨即轉口風，聲言即使刊憲並非必要，是次修改會議程序有刊憲的需要。就刊憲問題的討論擾攘近一小時後，方回到中止待續議案的辯論。

多名反對派議員發言支持中止待

續，陳志全更威脅建制派議員會「因小失大」，「因快變咁更加慢，呢個就係我界建制派的忠告！」中止待續議案最終在16票贊成、34票反對下被否決。

朱凱迪在答辯時稱，是次修訂程序是財會「自廢武功」的「頭顱」，並形容是「自闔大餐」，令反對派議員「不好受」及「不接受」。他並號召其餘反對派議員集體離場，以示抗議。

會議其後進入表決階段，所有反對派議員高呼口號離場，而多項由朱凱迪、毛孟靜及陳志全提出的議案及修正案均無法動議。

會議最終在全數在席議員舉手贊成下，通過由「實政圓桌」議員田北辰提出修改會議程序機制的原議案，包括修訂會議程序的議案需在會議12天前提出預告，就該議案提出修正案的預告須在5天前作出、不得就議案的修正案提出修正案等會議程序。



■財委會最終在建制派全數在席議員贊成下，通過提出修改會議程序機制的議案。香港文匯報記者莫雪芝攝

蟲炎餓相搶席 打「老馮」失人心

反對派為咗搶席，互相攻擊其實唔係咩新鮮事，特別係只得一個人可以出線時。反對派今日舉行初選，選出代表反對派參加九龍西同新界東嘅人選，「瀆誓四丑」中的姚松炎（蟲炎），同佢嘅支持者就不斷圍攻馮檢基，對對方嘅年齡而叫人「政壇關愛座」。揸姚嘅「自決派」立法會更話馮檢基如果「執雞成功」，等於所有人都輸喇！就連「獨派」嘅「東九龍社區關注組」陳澤滔都忍唔住話「可唔可以有一個令人尊重嘅campaign」、「你哋嘅候選人質素行政政績係咪真係咁好講」。

為咗初選，馮檢基今日就為選民提供全日嘅免費穿梭巴士服務，接載市民去票站。佢解釋，因為初選票站位置唔方便，可能年紀大嘅人難以去投票，所以就安排免費旅遊巴士咁深水埗一帶接送街坊去石硤尾票站，同時已經同工作人員講明，喺車上唔可以提「馮檢基」3個字。

其實，只要唔喺車上放參選人宣傳品，唔喺上落車時拉票話要投某一個參選者，現行法例並無話咁樣違法。不過，身為馮檢基對手嘅姚松炎好似有咩其他嘢好講咁，係咁咁住呢樣嘢嚟打，話對方嘅安

排，相信唔係為咗方便街坊買艇，而係動員所有票源，出奇「制」勝，又話自己要戰勝「旅遊巴攻勢」喇。

朱凱迪出口術質疑票站安排

朱凱迪就更刻薄，話要「反執雞」。佢好陰謀論咁質疑「民主動力」安排嘅票站，話九龍西初選票站只有3個，「其中一個在民協地盤，一個有人識去，只有黃埔地鐵站A出口正常少少。如此安排，將大選區正規戰屈成細選區巷戰，基哥才有機會以『最後一戰』+『旅遊巴作戰』，動員年長街坊網絡執雞。」

佢仲話馮檢基如果贏咗，就會令「初選」失去「公信力」：「基哥一人初選執雞成功，所有人都輸，包括他自己。……『初選制度』盡失民心，九龍西補選必敗，港島和新界東也被拖累，隨時輸埋。民主派兵敗如山倒，地區直選優勢崩潰。……整個民主派都成了他（馮檢基）的賭注。」

姚松炎嘅支持者當然鬧爆馮檢基啦！「Alex Hui」就稱：「正正就是這些老而不，一把年紀了還戀棧權位，從而阻礙了香港的民主發展。試問這麼多年來，馮檢基為民主貢獻了什麼呢？……如今如果初

選真的被他贏（贏）了，《泛民》真的會輸的很慘。」

不過，都有不少人以為然。「Tommy Chan」就質疑：「基哥當選講到好似災難咁，完全唔（唔）當佢係『泛民』一分子。只會各自盤算，唔（唔）跟自己想要既（嘅）就係敵人，從來無見過你地（哋）協調同妥協……」

他續說：「如果呢種作風帶入議會，先至係災難，永遠只有佢有理，人地講永遠都唔（唔）會聽入耳，甚至衝主席台，拉布，流會迫人就範，又或做埋d（啲）小學雞野（嘢）搞到自己被DQ，好多市民真係唔（唔）想再見到呢d（啲）唔（唔）係一心為市民同業界服務，而只係集中搞政治既（嘅）莽夫入議會。」

「Emily Chau」也說：「我好認同。雖然我認同姚教授係好好嘅人選，但何必嘅初選就用『投到邊個邊個就大家攞住一齊死』嘅講法呢？咁非我即敵，何必一齊參加初選？」

「獨人」寸可否不打負分戰？

陳澤滔就發帖話：「其實，可否不打負分戰？……唉，你動員咁動員囉，何必講到第二個贏到就係民主最黑暗一天。」



■姚松炎追打馮檢基「旅遊巴攻勢」。



■陳澤滔標註「失望至極」。fb圖片

佢仲標註「失望至極」、「初選意義係咪淨係贏對手呢」、「可唔可以有一個令人尊重嘅campaign」、「你哋嘅候選人質素行政政績係咪真係咁好講」。

「Hati Li」揶揄：「如果其中一碗係靚飯，洗（使）乜打負分戰？但係如果大家都係臭屎……」Gary Lee則道：「呢個咁初選真係唔搞得好過搞……我對姚松炎扣晒分。」■香港文匯報記者 羅旦



■鄭泳舜近日乘搭高鐵來回湖南長沙，參觀了有份製造深港高鐵香港段部分機件的車廠。

與舜同遊「高鐵車廠」

全港熱切期待的深港高鐵香港段料於今年第三季開通，民建聯深水埗區議員鄭泳舜近日乘搭高鐵即日來回湖南長沙，更參觀了有份製造深港高鐵香港段部分機件的車廠。鄭泳舜在參觀後大讚高鐵技術的進步及設計工程師的精益求精，令他對高鐵安全充滿信心。

鄭泳舜近日在其facebook專頁上載短片「與舜同遊」，分享自己與同屬深水埗區議員的工聯會陳穎欣和自由黨的李梓敬，及工程師鄭利明的高鐵之旅。在第一、二集後，他昨日上載了同系列的三集短片，4人不單吃喝玩樂，更到訪株洲的高鐵車廠，帶市民實察高鐵的製造過程。

鄭泳舜在影片中大讚車廠乾淨整齊，更設有不同的專項，十分優秀。在得悉深港高鐵香港段部分機件亦在該車廠製造時，「我對高鐵充滿信心，應該係絕對非常安全！」鄭利明則介紹身後的動車和諧號，「它的乘載量超過3千幾人，世界上能製造如此大型的動車的公司並不多。」

技術獲逾3萬專利「穩定安全」

在早前的短片中，鄭泳舜親身實證1元硬幣可在行駛中的高鐵企立的傳聞，「與舜同遊」科技篇就向市民拆解其維持穩定性的秘密。他指出，高鐵的工藝高超，設計工程師在製造過程中深入研究及精益求精，透過改進的技術更得到逾3萬項專利，「我哋現時可以方便坐到舒適、穩定又安全的高鐵，有賴一大批專業人員的努力。」

一行人其後到達目的地湖南長沙，當然不忘品嚐當地著名的臭豆腐，鄭泳舜拿出手機嘗試用微信支付，輕鬆完成付款程序，「買臭豆腐都可以用微信支付，有電話緊要過有銀包。」

他們並到訪岳麓書院，鄭泳舜及陳穎欣建議年輕人可以回內地大學修讀短期課程，既可以認識新朋友，又可以增廣見聞。

■香港文匯報記者 鄭治祖

工黨老屈「賄選」阿彪批手法低樁

今日一班反對派就立法會補選搞「篩選」，為咗勝出，參加咗新界東初選嘅工黨成員郭永健，就喺facebook上抹黑工聯會鄧家彪「疑似賄選」。鄧家彪反駁指，郭永健拖佢落水做新聞，藉以為自己初選造勢，手法低樁。

郭永健周四畀自己專頁發佈咗一張相（見圖），話自己收到街坊報料，有工聯會街站派發印咗鄧家彪個樣嘅Tempo紙巾，仲有一張30蚊睇一場戲嘅電影會傳單。

相片中可見，電影欣賞會由蒼青社主辦，工聯會將軍澳地區服務處協辦，並列明活動只限會員參加。而Tempo紙巾則印有立法會議員葛珮帆及鄧家彪的頭像及介紹。

地區服務不涉選舉

其實，無論建制派或反對派平時都會搞呢啲咁街坊活動，葛珮帆係當區立法會議

員，鄧家彪係工聯會新界東總幹事，搞活動一啲都唔出奇，唔通鄧家彪有參加立法會補選意願，就即刻咁地區服務都唔做咩？而且照片可見，個活動根本唔關選舉事，宣傳品又有叫人投票界邊個。不過，郭永健就借機會FF。

佢聲稱，喺同一個戲院睇戲一般要90蚊，而活動就由香港青年動力協會贊助，協會榮譽主席係工聯會理事長吳秋北，會長係工聯會議員郭偉強，協會副會長就係將會畀新東出戰嘅鄧家彪，「好有可能，工聯會已經觸犯《選舉條例》」云云。

不過，佢page就有唔少人留言，話唔同意郭永健咁樣指控人。「Vancent Kam」話：「呢D（啲）現（做）法唔係新嘅，個個都有做，大家都知法律條線係（喺）邊嘅……唔好講到只係建制才做啦！」

「Taisan Lau」也揶揄：「參選與否都未有定論，搞福利益會員又何罪之有？為何急不及待地放大攻擊？唔通已經有人肯定初選必勝，抑或未戰先驚輸我（哦）？」



「獨派」的「將軍澳民生關注組」社區發展主任葉嘉榮更乘機踩郭永健一腳，「個疑似候選人一日未宣佈參選，一日都唔會計賄選，你有×本味咁落街派錢，每個新東選民派一皮野（嘢）囉。」

「獨人」都睇唔過眼踩工黨

佢仲標註咗「你唔好最後俾人發現職工盟有畀選舉捐贈你」。

鄧家彪在回覆香港文匯報記者查詢時指出，很多團體都會恒常搞地區活動，與市

民同樂，而是次活動由蒼青社主辦，自己並沒有策劃及參與其中，「所有活動都同我有關就太抬舉我啦！」他更反問道，「唔通因為接下來嘅立法會補選，所有地區團體都要停辦活動？」

鄧家彪又突破盲腸，反駁指郭永健係想靠事件為自己初選造勢，手法實在太低樁，並批評其指控十分嚴重及無謂。他呼籲，郭永健如果想贏出初選，應該靠自己的實力和政綱，而唔係「拖人落水做新聞」。

■香港文匯報記者 鄭治祖